

摘藻堂四庫全書薈要

史部

欽定四庫全書薈要

史部

硃批諭旨卷二百

十九至  
二十三上

詳校官編修巨繆晉

欽定四庫全書薈要卷八千二百二十一

史部

硃批諭旨卷二百十九

硃批衛昌績奏摺



雍正六年七月十六日提督廣西學政臣衛昌績  
謹

奏為恭解原書事雍正六年七月初四日准廣西撫

臣

郭鈇咨稱准吏部咨查得廣西學政衛昌績疏

叅藤縣休致教諭譚玉琪將

欽頒貯學之書任意借人監生胡祚悠霍廷杞肆加圈點等因奉

旨衛昌績此奏甚屬可嘉著將原書解部看其圈點之處再將譚玉琪胡祚悠霍廷杞定擬具奏該部知道等因到院相應咨會欽遵

諭旨將貯學原書速即徑行解部等因到

臣臣

隨行文

藤縣教諭呂德懋將名教罪人錢名世刊刻原詩

二本親齎到省

臣

遵即專差解部外謹將解過緣

由繕摺奏

聞謹

奏

知道了地方上所聞所見何不乘便奏聞耶

雍正六年十一月二十九日提督廣西學政臣衛

昌績謹

奏為敬陳管見事竊臣蒙

皇上天恩簡任以來勉竭愚駑毫無報稱捫心揣分恐

懼悚惶謹輸犬馬微誠敬獻芻蕘末議為我

皇上陳之一士子錢糧宜詳分限催徵之法一士子錢糧宜嚴催徵不力之罰一老農之選舉宜慎一劣生之舉報宜嚴以上四條謹據臣愚管見敷陳如有可採伏乞

皇上聖鑒施行謹

奏

此奏甚屬可嘉候另降諭旨降旨時不將汝名隨條奏

發出者蓋不令汝招尤結怨也知之

同日又

奏為恭謝

天恩事竊

臣

准吏部劄為欽奉

上諭事雍正六年九月初四日内閣吏部奉

上諭前據廣西學政衛昌績疏稱梧州府藤縣所有部  
頒在京官員刺錢名世之詩二冊經教諭譚玉琪借  
與監生胡祚悠霍廷杞閱看私加圈點甚屬狂肆等

語今朕將原書調來親覽見書中詩句數處伊以已  
意加圈於旁竝無狂妄指摘之處此乃遠方之人迂  
濶庸愚一時錯誤不必深究著將私借官書之教官  
譚玉琪罰俸一年衛昌績於此等事不肯隱匿據實  
奏聞其小心謹慎可知著給與紀錄一次欽此劄行

到

臣臣

隨恭設香案望

闕叩頭謝

恩訖所有

臣

犬馬感戀之忱理合具摺奏

聞謹

奏

覽奏謝知道了勉之

雍正七年四月二十九日提督廣西學政臣衛昌

績謹

奏本年四月十九日臣家人恭捧

硃批奏摺至桂林府臣隨叩頭跪開密閱訖臣前摺奏

粵西風俗之惡薄有宜整齊者紳士之強橫有宜

約束者兵丁之怯弱有宜振作者州縣之闡茸有  
宜驅除者茲臣旋省試竣理合繕摺具

奏

一粵西民情大率嗜利而無恥尋仇而輕生健訟  
而喜妄作一切姦淫偷盜忿爭刦殺干名犯分之  
事皆悍然行之而不顧而倡之者實自強橫之紳  
士始臣愚竊謂宜照浙省例仰請

皇上欽命觀風整俗使一員以整齊而約束之似於地

方大有裨益

一粵西營伍廢弛實由於訓練之不力亦有由於  
兵額之不敷者即如桂林一營額兵盈千今僅裁  
留四百八十九名除分防汛兵及將弁親丁外實  
在存城纔一百四十二名再除將弁書役及分守  
十城門庫獄藥局外復有護送錢糧押解盜犯等  
差則士不暇操弓而擐甲矣雖向來提鎮兩標撥  
千總二員兵三百名駐省貼防然標協旣分客主

情異從前將弁一切周章觀望貌合中疎非所以  
保衛地方也粵西幅員遼濶兵單汎廣通省皆然  
臣愚以為宜請

皇上敕下督撫確查營伍中兵額不敷者酌議增添概  
停貼防使標兵歸標協兵歸協庶幾責成專而汎  
守實約束勤而訓練精於營伍似有裨益

一關革之員莫如鬱林州知州佟世俊者邀仁厚  
之譽無聽斷之才詞訟則勸之使和盜賊則縱而

弗緝衙役梁玉與羣盜交通而不覺次子佟鐸與  
劣紳賭飲而不知私派科斂曠官病民殊玷職守  
以上三條臣謹據地方所聞所見恭繕密摺奏  
聞伏乞

皇上聖鑒謹

奏

所奏均關地方切要甚屬可嘉候另有諭旨

硃批諭旨卷二百十九

欽定四庫全書薈要卷八千二百二十二

史部

硃批諭旨卷二百二十

硃批蔣洽秀奏摺

雍正六年八月十四日巡察山東等處監察御史

<sup>臣</sup>蔣洽秀謹

奏為奏

聞事竊<sup>臣</sup>奉

命巡察山東受事以來料理行文出示後於七月十一

日由濟南府出巡至昌邑縣地方據青州府諸城縣申稱拏獲燒香惑衆之楊文供出牛三花拉邱志桂邱文信朱相卿孫龍杜禮當即拏獲朱相卿邱志桂并牛三花拉之妻女及行李銀錢到縣訊取各供具文通報等因又巡至萊州府高密縣據該縣詳稱拏獲邪教高擇善等五名又關獲張華商等四名各錄供詳報又巡至安邱縣據該縣詳稱拏獲燒香之范存信研訊口供關解諸城縣收

審各等情到

臣臣

查諸城縣訊取各供未獲之犯

牛三花拉等十六名高密縣訊取各供未獲之犯  
張坤石等六名安邱縣訊取各供未獲之犯徐和  
公等八名或係天主堂喫本命齋或係三元會空  
字教勸人燒香按四時磕頭求財求壽圖騙香錢  
等情臣因事關邪教惑衆難容任其逃匿隨批飭  
各該縣嚴拏夥黨確審究擬外理合奏

聞

臣謹

奏

類此邪教只宜嚴察為首數名按律懲處被惑愚民不可一例論也切毋波累多人

雍正六年十一月初九日巡察山東等處監察御

史臣蔣洽秀謹

奏為奏

聞事雍正六年十一月初五日據充寧道呂維炳呈稱  
本道因公赴省於十月二十六日自省起身二十

九日行至耿村地方有城守營都司李懷義差人報稱十月二十九日五鼓各官正在拜

牌行禮間突有兇盜持刀斧等械擁入公所將遊擊韓國枝都司李懷義左營守備李懷仁右營守備劉文燦泉河通判郎燦原任州同陳文燦天井關官楊志遠等斫傷現俱帶有傷痕而行禮處所即在州署間壁兇盜即入州署該州妻女亦皆受傷劈開監門劫出囚犯現在領兵擒拏等語本道聞信

飛騎入城見副將馮廷雄等率領四營官兵奮勇擒拏將越獄重犯俱已全獲又拏獲兇盜馮候南等二十名又拏獲割辮跟隨盜黨行走之更夫楊二等八名交與吏目收監仍現在搜捕餘黨并嚴訊夥盜確數另報外再查該州銀庫並無疎虞隨一面多派兵役看守一面出示安民俱各安堵如常其知州高令樹奉濟東道調赴曲阜

廟工未回運河同知巴潮現在患病事關盜黨劫獄

傷官重情理合飛報等情到臣同日又據總河督

標中軍副將馮廷雄等報同前情據此臣除照會

充寧道并檄行濟寧州嚴查此案確情督令兵役  
搜拏餘黨究審詳報外合先繕摺奏

聞臣謹

奏

業據齊蘇勒奏聞矣

硃批諭旨卷二百二十

欽定四庫全書薈要卷八千二百二十三

史部

硃批諭旨卷二百二十一

硃批余甸奏摺

雍正二年七月二十日山東按察使

臣

余甸謹

奏為恭謝

天恩事

臣

自閏四月十四日叩辭

闕廷祇承

聖訓瞻戀實深十六日起程二十五日抵濟南府二十

六日恭設香案望

闕謝

恩黽勉從事三月以來雨暘時若禾稼滋榮

皇仁流蔭屋念撫字應寓催科徧德及囹圄必祥刑斯  
稱董戒至於新舊虧空隨撫臣徹底以清查倉庫

糧銀偕藩司斟酌而挹注節日用開講院而致明

師裁陋規立義倉以備荒歲

臣

心所期如是次第

舉行

臣

才實有不堪咄嗟莫辦謬膺重任猶負邱

山受

國厚糈如臨淵谷此則

臣

之所夙興夜寐不敢告勞

咫尺

天威深虞隕越者也

臣謹

奏

所奏知道了但不得好尚虛名廢弛實政刑名惟貴得中毋偏於慈善致令無良者藐法此外皆信得及爾也勉之

雍正二年十一月初六日山東按察使臣余甸謹

奏為恭謝

天恩事竊臣才具疎淺蒙

皇上特簡山東按察使受任以來日夜兢懼務期廉訪

利弊措置合宜仰答

聞爾濫收詞訟而又偏於柔軟果如此行事必致地方

聖明於萬一而勉竭愚鈍未效涓埃茲復奉

刀風大起起關係匪細斷乎不可亟當加意改革

旨將布政司事務交臣署理聞

命之下悚惕逾深謹於十一月初二日承接藩臣博爾

多交臣印務訖至倉庫內銀穀數目容臣細查明  
是何言歟豈有既受交盤復具此奏之理可謂亂道矣  
白倘有未清之處當另具摺奏

聞臣謹

奏

覽

硃批諭旨卷二百二十一

欽定四庫全書薈要卷八千二百二十四

史部

硃批諭旨卷二百二十二

硃批任蘭枝奏摺

提督四川學政

臣

任蘭枝謹

奏為敬陳下悃事

臣

一介庸愚蒙

皇上簡任四川學政自到任以來感荷

聖恩時切悚懼於考試文武生員等第及文武童生入

學務在嚴以核實寬以取才實不敢分毫苟且亦

不敢一念草率負

深恩而干大戾至於蜀省學臣竝無學田公項可以養

廉衆士子亦共知之其文武童生入學者於發案

之後願送贄見以佐用度

臣

酌量其中力量能者

以十二兩為止不能者減之極貧者分文不取人

情悅服到處頗無異同

臣

三年之中一切用度皆

出於此總之

臣

受

皇上深恩

臣

之名節惟恃

皇上聖明故能保全臣之身家亦惟恃

皇上聖明自加體恤

覆載生成從何報效臣之下悃於開考時即應

奏明因奉有

訓旨四川路遠不必輕易差人來京故未及陳奏今離  
闕二載瞻戀

天顏雖夢寐之間不忘感泣謹遣家人齎摺恭請

聖安所有微臣實情理合

奏明伏惟

聖鑒謹

奏

所奏知道了加勉加慎為之可也

提督四川學政<sub>臣</sub>任蘭枝謹

奏恭請

皇上聖安

朕安凡事秉公毅然而行不必迎合阿順該督撫如督

撫有藉端搜尋於爾之處差人齎摺密奏朕知

提督四川學政臣任蘭枝謹

奏為欽奉

上諭事竊

臣

接准川陝督臣咨文開奉

上諭凡內外文武官員曾經面奉諭旨除不能記載者

俱將訓旨一一詳細將年月日一同繕寫進呈御覽

內外文武大吏著自行封進其不應奏摺之員著封

固交與該上司轉奏欽此

臣

前赴任四川於雍正元

年十一月初一日恭請

聖訓曾經面奉

諭旨臣係小臣本不敢援大吏自行封進之例因蒙

聖恩許臣差人

奏摺理合將前奉過

諭旨一一詳細繕寫封固進呈

御覽其應行回

奏事情俱於遵

旨回奏事內摺奏合併聲明謹

奏

是惟當密之又密

提督四川學政

臣

任蘭枝謹

奏為恭綴

御批事

臣

於本年正月十三日在成都衙門巡撫處送

到發回

臣

請

安一摺奉有

硃批諭旨仰見

皇上訓誡公忠體恤下情之至意捧讀再四感激涕零  
竊<sub>臣</sub>職司學政凡遇公事與督撫文移往來俱照  
衙門舊例其餘各不侵涉至考試之事聞向來督  
撫皆有棚規<sub>臣</sub>仰恃

皇上聖明志除陋習不用迎合此項實不能給在督撫  
亦竝未有搜尋難為之處如有此情<sub>臣</sub>自不敢隱  
匿為此據實回

奏所有奉到

御批原摺理合恭繳謹

奏

前諭因年羹堯在任而發或恐爾念差錯誤入邪途今  
巨憝已除可不必矣

覆奏一摺留中甚屬公當朕殊嘉之

兵部右侍郎臣任蘭枝江西巡撫臣謝旻謹

奏為奏

聞事竊照江西廣信營叅將張福揭報南昌總兵陳王章扣侵公費等款一案臣等遵

旨會審查得陳王章於雍正六年

奏定每兵百名存糧五分為各營修整甲械公用乃陳王章於

奏定後仍借大公費名色令各營按季繳銀共收過銀四千七百二十六兩零詰訊陳王章業已直認無辭但據呈有支銷清冊臣等查冊內所開除一

切營中公用銀二千五百八十八兩零應准開銷  
外尚有應追那用銀一千七百八十五兩零其酬  
應私情擅支公項銀三百五十二兩零應照監守  
自盜例定擬按數追賠交部治罪至張福於雍正  
七年九月到任至八年夏季已歷三季該營公費  
銀兩亦俱照舊繳送竝無異辭其致隙之由蓋緣  
八年七月中陳王章將張福所送考拔外委目兵  
責懲申飭又張福曾隨陳王章赴教場未經命坐

嫌其不加禮貌以致彼此成隙猜嫌日起張福遂於八年八月內將陳王章收用公費通詳而陳王章亦以張福濫責目兵徐天祿致令身故欺凌守備高有賢致令目盲具稟督臣高其倬經督臣檄司查驗而張福心生疑懼揭報部科此兩人構釁結怨之情節也除餽收土儀濫責目兵欺壓屬員及用空白文冊等輕罪均於

題案內分晰聲明外至臣等查審之下張福所揭陳

王章收受公費原係實情竝無虛捏而張福以弋陽縣知縣趙憲清奉委將徐天祿檢驗據實報傷遂指陳王章賄囑通判許天奇轉囑知縣趙憲清捏報陷害及至三面質訊所稱賄囑捏報張福毫無指實并查趙憲清審詳案卷竝無陷害張福情由其為誣揭是實張福照例擬以誣告加等聽部定議所有查審此案情節緣由謹繕公摺恭齎奏聞伏乞

皇上睿鑒謹

奏

覽奏知道了任蘭枝審理此案殊屬公當妥協

硃批諭旨卷二百二十二